

B) Correspondencia dos módulos profesionais coas unidades de competencia para a súa acreditación.

Módulos profesionais superados	Unidades de competencia acreditables
-MP0185. Organización e xestión en industrias químicas.	-UC0574_3: Organizar as operacións da planta química.
-MP0186. Transporte de sólidos e fluídos. -MP0187. Xeración e recuperación de enerxía. -MP0188. Operacións básicas na industria química. -MP0189. Reactores químicos.	-UC0575_3: Verificar o acondicionamento de instalacións de proceso químico, de enerxía e auxiliares. -UC0576_3: Coordinar os procesos químicos e de instalacións de enerxía e auxiliares.
-MP0190. Regulación e control de proceso químico.	-UC0577_3: Supervisar os sistemas de control básico. -UC0578_3: Supervisar e operar os sistemas de control avanzado e de optimización.
-MP0191. Mantemento electromecánico en industrias de proceso. -MP0192. Formulación e preparación de mesturas.	-UC0787_3: Verificar a formulación e preparación de mesturas de produtos químicos.
-MP0191. Mantemento electromecánico en industrias de proceso. -MP0193. Acondicionamento e almacenaxe de produtos químicos.	-UC0788_3: Coordinar e controlar o acondicionamento e a almacenaxe de produtos químicos.
-MP0194. Prevención de riscos en industrias químicas.	-UC0579_3: Supervisar o axeitado cumprimento das normas de seguridade e ambientais do proceso químico.

6. ANEXO VI

Organización dos módulos profesionais do ciclo formativo para o réxime ordinario.

Curso	Módulo	Duración	Especialidade profesorado
1º	-MP0186. Transporte de sólidos e fluídos.	160	Operacións de proceso.
1º	-MP0188. Operacións básicas na industria química.	266	Análise e química industrial.
1º	-MP0191. Mantemento electromecánico en industrias de proceso.	133	Operacións de proceso.
1º	-MP0192. Formulación e preparación de mesturas.	107	Operacións de proceso.
1º	-MP0193. Acondicionamento e almacenaxe de produtos químicos.	107	Operacións de proceso.
1º	-MP0194. Prevención de riscos en industrias químicas.	80	Análise e química industrial.
1º	-MP0196. Formación e orientación laboral.	107	Formación e orientación laboral.
Total 1º (FCE)		960	
2º	-MP0185. Organización e xestión en industrias químicas.	70	Análise e química industrial.
2º	-MP0187. Xeración e recuperación de enerxía.	157	Operacións de proceso.
2º	-MP0189. Reactores químicos.	140	Análise e química industrial.
2º	-MP0190. Regulación e control de proceso químico.	210	Análise e química industrial.
2º	-MP0197. Empresa e iniciativa emprendedora.	53	Formación e orientación laboral.
Total 2º (FCE)		630	
2º	-MP0195. Proxecto de industrias de proceso químico.	26	Análise e química industrial. Operacións de proceso.
2º	-MP0198. Formación en centros de traballo.	384	

7. ANEXO VII

Organización dos módulos profesionais en unidades formativas de menor duración.

Módulo profesional	Unidades formativas	Duración
-MP0196. Formación e orientación laboral.	-MP0196_12. Prevención de riscos laborais.	45
	-MP0196_22. Equipos de traballo, dereito do traballo e da seguridade social, e procura de emprego.	62

Orde do 20 de abril de 2010, pola que se modifica a Orde do 24 de xuño de 2008, pola que se desenvolve a organización e o currículo das ensinanzas de bacharelato na Comunidade Autónoma de Galicia.

O Decreto 126/2008, do 19 de xuño, polo que se establece a ordenación e o currículo de bacharelato na Comunidade Autónoma de Galicia, na súa disposición derradeira primeira autoriza a persoa titular da Consellería de Educación e Ordenación Universitaria para ditar as disposicións que sexan necesarias para a execución e desenvolvemento do establecido nel.

A Orde do 24 de xuño de 2008 pola que se desenvolve a organización e o currículo das ensinanzas de bacharelato na Comunidade Autónoma de Galicia,

no seu artigo 7, determina os aspectos relacionados coa avaliación.

Detectada a omisión do procedemento para a concesión da mención de matrícula de honra, procede establecelo.

En consecuencia, a Consellería de Educación e Ordenación Universitaria

DISPÓN:

Artigo único.-Modificación da Orde do 24 de xuño de 2008.

Engádesse un punto 14 ao artigo 7º, nos seguintes termos:

a) Os alumnos e as alumnas que obtiveran no segundo curso de bacharelato unha nota media igual

ou superior a nove puntos poderán recibir a mención de matrícula de honra. A devandita mención concederáselle a un número de alumnos non superior ao 5% do total de alumnado deste curso.

b) A obtención da mención de matrícula de honra será consignada nos documentos de avaliación do alumno ou alumna.

c) A concreción curricular do bacharelato incluíra nas directrices xerais os criterios para a concesión das mencións de matrícula de honra ao alumnado.

Disposición derradeira

Entrada en vigor.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 20 de abril de 2010.

Xesús Vázquez Abad
Conselleiro de Educación e Ordenación
Universitaria

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Acordo do 8 de abril de 2010 polo que se establece o Plan de protección civil de atención ao peregrino 2010 (PAP 2010).

1. Antecedentes/introdución.

Durante o ano 2010 a Comunidade Autónoma de Galicia vivirá un evento en que moitas persoas se van desprazar polos diversos camiños de Santiago e que ademais dará lugar a aglomeracións de persoas nos distintos actos programados. Este evento denomínase para os efectos deste plan como Xacobeo 2010.

No ano 1993 elaborouse o primeiro Plan de Protección Civil de Atención ao Peregrino co obxecto de que nas diferentes rutas os peregrinos dispuxesen de atención por parte do persoal de protección civil, o que tivo unha gran acollida e alta valoración polos destinatarios.

No Ano Santo de 1999 Galicia recibiu máis de cinco millóns de peregrinos a través dos distintos camiños de Santiago, que de diversas maneiras, a pé, en bicicleta, en motocicleta, a cabalo, en automóbil, entre outras, acudiron ata a cidade de Santiago de Compostela. O Plan de Protección ao Peregrino redactado para o efecto deu axeitada cobertura, desde o punto de vista da protección civil, tanto aos peregrinos como a certas actuacións relacionadas co Ano Santo.

No Ano Santo de 2004 recibíronse máis de seis millóns de viaxeiros e doce millóns de visitantes, dos que catro millóns e medio acudiron ata a cidade de San-

tiago de Compostela, ben como peregrinos ou como turistas. O PAP 2004 atendeu os máis de 3100 actos programados polos diversos concellos de Galicia ao abeiro do Xacobeo 2004 e tamén os peregrinos en ruta polos distintos camiños que conflúen na capital de Galicia.

Para o ano 2010 agárdase de novo unha grande afluencia de peregrinos a Galicia así como a organización de diversos actos multitudinarios. Por todo isto, a Xunta de Galicia, a través da Consellería de Presidencia, Administracións Públicas e Xustiza, competente en materia de protección civil, establece para este Ano Santo de 2010 o Plan de protección civil de atención ao peregrino 2010 (PAP 2010).

Este Plan de protección civil de atención ao peregrino 2010 (PAP 2010) estará en coordinación con:

-Co Plan de seguridade do Ano Santo 2010.

-Cos diferentes plans sectoriais que os distintos departamentos da Xunta de Galicia poidan redactar.

-Cos plans de autoprotección dos diversos eventos que se elaboren para as grandes aglomeracións e actividades que se desenvolvan durante a vixencia do plan.

-Coas autoridades eclesiásticas do Arcebispado de Santiago de Compostela en relación cos actos relixiosos que se celebrarán nas prazas do Obradoiro e da Quintana, así como o acceso á catedral de Santiago de Compostela.

-Finalmente, coas autoridades municipais de Santiago de Compostela e dos distintos concellos de Galicia por onde discorren as diferentes rutas xacobeas, en relación cos programas, actos, aloxamentos e outras actividades.

Por parte da Xunta de Galicia dispónse dun Centro de Atención ás Emerxencias co teléfono único de urxencia da Unión Europea 112 (CAE 112), que permitirá que, de maneira gratuíta, os peregrinos poidan demandar calquera servizo de urxencia, as 24 horas do día, en diferentes idiomas de uso máis común da Unión Europea.

2. Marco legal.

En virtude da norma básica de protección civil (Real decreto 407/1992) e tendo en conta a Lei 2/1985, do 21 de xaneiro, sobre protección civil, redáctase e apróbase o Plan territorial de protección civil da Comunidade Autónoma de Galicia (Platerga), como plan director onde se establece o marco organizativo xeral, en relación co seu correspondente ámbito territorial, local ou provincial.

No Platerga determínase que ao ser este un plan director, todos os plans de protección civil non previstos na norma básica de protección civil e de ámbito territorial non superior á Comunidade Autónoma de Galicia, quedarán integrados nel.

Por todo isto, a Consellería de Presidencia, Administracións Públicas e Xustiza, a través da Dirección Xeral de Emerxencias e Interior, tendo como base a experiencia acumulada nos anteriores plans de atención ao peregrino, de acordo coas directrices do Pla-